

郑板桥的诗

1.
忽漫泥金入破篱，举家欢喜又增悲。一枝桂影功名小，十载征途发达迟。
何处宁亲唯哭墓，无人对镜懒窥帷。他年纵有毛公檄，捧入华堂却慰谁？——郑板桥《得南闾捷音》

2.
身在青山顶上头，突岩深缝妙香稠。非无脚下浮云闹，来不相知去不留。
。——《咏兰》

3.
卖得鲜鱼二百钱，余粮炊饭放归船。拔来湿苇烧难着，晒在垂杨古岸边。
。——《渔家》

4.
秋风昨夜渡潇湘，触石穿林惯作狂；惟有竹枝浑不怕，挺然相斗一千场。
。——《题画》

5.兰草已成行，山中意味长。坚贞还自抱，何事斗群芳？——《题画》

6.
春兰未了夏兰开，万事催人莫要呆。阅尽荣枯是盆盎，几回拔去几回栽。
。——《题盆兰依蕙图》

7.
晨星断雁几文人，错落江河湖海滨。抹去春秋自花实，逼来霜雪更枯筠。
。女称绝色邻夸艳，君有奇才我不贫。不买明珠买明镜，爱他光怪是先秦。
。——《赠袁枚》

8.
此是幽贞一种花，不求闻达只烟霞。采樵或恐通来径，更写高山一片遮。
。——《兰》

9.
水流曲曲树重重，树里春山一两峰。茅屋深藏人不见，数声鸡犬夕阳中。
。——《竹枝词》

10.
我有胸中十万竿，一时飞作淋漓墨。为凤为龙上九天，染遍云霞看新绿。
。——《题画》

11.
兰花本是山中草，还向山中种此花。尘世纷纷植盆盎，不如留与伴烟霞。
。——《兰》

12.
兰草已成行，山中意味长。坚贞还自抱，何事斗群芳。——《题画兰》

13.一节复一节，千枝攒万叶。我自不开花，免撩蜂与蝶。——《竹》

14.
晨起开门雪满山，雪晴云淡日光寒。檐流未滴梅花冻，一种清孤不等闲。
。——《山中雪后》

15.盆画半藏，兰画半含。不求发泄，不畏凋残。——《题半盆兰蕊图》

16.
峭壁一千尺，兰花在空碧。下有采樵人，伸手折不得。——《峭壁兰》

17.
举世爱栽花，老夫只栽竹，霜雪满庭除，洒然照新绿。幽篁一夜雪，疏影失青绿，莫被风吹散，玲珑碎空玉。——《竹》

18.

衙斋卧听萧萧竹，疑是民间疾苦声；些小吾曹州县吏，一枝一叶总关情。
。——《潍县署中画竹》

19.

一阵狂风倒卷来，竹枝翻回向天开。扫云扫雾真吾事，岂屑区区扫地埃。
。——《题画》

20.

乌纱掷去不为官，囊橐萧萧两袖寒；写取一枝清瘦竹，秋风江上作渔竿。
。——《画竹别民》

21.

咬定青山不放松，立根原在破岩中。千磨万击还坚劲，任尔东西南北风。
。——《竹石》

22.雾裹山疑失，雷鸣雨未休。夕阳开一半，吐出望江楼。——《江晴》

23.

兰草与三台，无人敢笔栽。取得新奇法，墨香吹出来。——《得意写之》

24.

日日临池把墨研，何曾粉黛去争妍。要知画法通书法，兰竹如同草隶然。
。——《题画》

25.

丞相纷纷诏敕多，绍兴天子只酣歌。金人欲送徽钦返，其奈中原不要何！
——《绍兴》

26.

乌皮小几竹窗纱，堪笑盆栽几箭花。楚雨湘云千万里，青山是我外婆家。
。——《咏兰》

27.

画根竹枝扞块石，石比竹枝高一尺。虽然一尺让他高，来年看我掀天力。
。——《题画》

28.

春雨春风写妙颜，幽情逸韵落人间。而今究竟无知己，打破乌盆更入山。
。——《题破盆兰花图》

29.

大雪满天地，胡为仗剑游？欲谈心里事，同上酒家楼。——《题游侠图》
》

30.

一片青山一片兰，兰芳竹翠耐人看。洞庭云梦三千里，吹满春见不觉寒。
。——《题画》

31.

屈宋文章草木高，千年兰谱压风骚。如何烂贱从人卖，十字街头论担挑。
。——《兰》

32.

芭蕉叶叶为多情，一叶才舒一叶生。自是相思抽不尽，却教风雨怨秋声。
。——《咏芭蕉》

33.

高梧百尺夜苍苍，乱扫秋星落晓霜。如何不向西州植，倒挂绿毛么凤皇。
。——《咏梧桐》

34.

春兰未了夏兰开，万事催人莫要呆；阅尽荣枯是盆盎，几回拔去几回栽。
。——《盆兰》

35.

淡烟古墨纵横，写出此君半面，不须日报平安，高节清风曾见。——《

竹石》

36.

新竹高于旧竹枝，全凭老干为扶持。明年再有新生者，十丈龙孙绕凤池。
。——《新竹》

37.

一片绿阴如洗，护竹何劳荆杞？仍将竹作芭篱，求人不如求己。——《篱竹》

38.

一片两片三四片，五六七八九十片。千片万片无数片，飞入梅花都不见。
。——《咏雪》

39.

鸳鸯二字，是红闺佳话，然乎否否？多少英雄儿女态，酿出祸胎冤藪。前殿金莲，後庭玉树，风雨催残骤。卢家何幸，一歌一曲长久！即今湖柳如烟，湖云似梦，湖浪浓于酒。山下藤萝飘翠带，隔水残霞舞袖。桃叶身微，莫愁家小，翻借词人口。风流何罪？无荣无辱无咎。——《念奴娇·莫愁湖》

40.

进又无能追又难，宦途跼蹐不堪看。吾家颇有东篱菊，归去秋风耐岁寒。
。——《画菊与某官留别》

41.

东风昨夜入山来，吹得芳兰处处开。唯有竹为君子伴，更无花卉许同栽。
。——《题兰》

本文链接：<https://duanjuziku.com/duanjuzi/pnak9v7640.html>